



杨逸明诗词选

题浔阳楼

九派烟云起，奔腾入小窗。
古今多少笔，到此蘸长江！

春暮垂钓即兴

几树轻阴绿抱团，一池红雨泣春残。
人生不似花飞急，犹得从容把钓竿。

读书偶作

危楼趺坐与僧同，共我翻书天外风。
冷月残阳为道友，去来皆在不言中。

拂晓前醒来见明月临窗

梦回恰见夜阑珊，枕畔清辉水一滩。
明月穿空行万里，未忘朝我小窗看。

黄山夕眺

排云破雾踏天梯，攀上危亭日恰西。
烂漫群山争夕照，金峰昂首黑峰低。

二

万壑生风走暮云，千峰翘首斗嶙峋。
夕阳分配金黄色，高富低贫也不均！

宿天目山谷雨潭

小住农家院，清氛四面环。
泉喧梅雨后，月挂竹烟间。
沏茗通三昧，焚香透百关。
诗人舒啸久，得句自高闲。

酷暑夜读书

天张炽热网恢恢，我坐危楼卷帙开。
汗向五千年洒去，风从九万里吹来。
哲人思辩飞成瀑，骚客心声响作雷。
谁及书生一瓢饮，纳凉随处是瑶台！

初春戏笔

春风带电到江南，击活溪流击醒山。
闪闪繁花初点亮，毛毛细雨半吹干。
诗心渐暖飞窗外，灵感微麻颤笔端。
梦片情丝皆导体，书生自笑绝缘难！

回忆初恋戏作

与汝相亲始惹痴，至今心醉卜邻时。
小窗人对初弦月，高树风吟仲夏诗。
梦好难追罗曼蒂，情深可上吉尼斯。
浮生百味都如水，除却童年酒一卮。

送女儿参加高考

成龙成凤梦难除，掌上谁非可爱珠？
眷眷目光门外聚，沙沙笔迹案头书。
此时犹舐投怀犊，明日终飞展翅雏。
先父送儿情景在，几回追忆泪模糊！

春游沈园

小径花飞土带香，草亭无语立斜阳。
鸟寻幽梦穿林遍，柳写春情蘸水长。
恍惚书生非醉酒，缠绵诗句尚留墙。
沈家园里红酥手，牵尽人间九曲肠！

轩辕庙抒怀

来向轩辕一放歌，心声跌宕响高坡。
皮肤未悔同黄土，动脉堪豪有碧波。
安得埙篪长奏乐，终教棠棣不操戈。
诗人自愧升平世，荐血无多荐泪多！

咏 葱

指纤腰细影娉婷，身贱心高未可轻。
何惧赴汤成碎末？不辞投釜斗膻腥。
性情难改辛而辣，风气堪称白且清。
调入佳肴凭品味，有香如故慰生平。

秋 兴

吟翁无奈性情何，岁岁霜天发浩歌。
残照入怀豪气在，秋风吹梦壮游多。
人生丹桂心头绽，历史银河砚底磨。
自信诗笺非落叶，掷江成石不随波。

**听苏州孙家姐妹唱评弹，不觉已二十
年矣，惘然有作**

江南最忆曲堪怜，纤手凝云落急弦。
小茧尽抽情旖旎，快刀难剪梦缠绵。
人归深巷潇潇雨，舟入寒塘淡淡烟。
二十年来孤迥客，几回丝竹惹无眠？

姑苏听曲月如钩，桃坞春深小巷幽。
弹唱动情教客醉，笑颦添色遣花羞。
梦中眷恋江南雨，别后蹉跎海上秋。
游子怕闻吴语好，乡音似酒滴心头。

鹧鸪天·新年漫笔

结得相思一段缘，蛾飞茧缚不由天。
聚时肝胆冬犹热，别后琴樽夏亦寒。
幽径里，曲篱边，人生难度是情关。
谁知握手才三秒，刻骨镌心到百年！

杨逸明，笔名晚风，1948年生于上海，祖籍江苏无锡。当过工人、教师、干部。中华诗词学会第二届和第三届副会长。现为中华诗词学会顾问、中国作家协会会员、上海诗词学会副会长、《上海诗词》主编。出版诗集《飞瀑集》、《古韵新风》等多种。

